

پنجشنبی سنه

نومرد ۲۸

۵ صفر ۱۳۱۴

۴ تموز ۱۳۱۲

اداره خانه سی

باب عالی جاده سنده قصبه کتبخانه
سیدر. رساله به متعلق کافه مشو.
لیت و خصوصیات ایچون (قصبه
کتبخانه سنه) مراجعت اولونور .

نسخه سی ۲۰ باره در

معارف

طوغار مهر ترقی عرش اعلاى معارفدن
اودر تزهتسرای کائناتی ایلین روشن

آبونه بدلی

برسنه لك الی ایکی نسخه سی پوسنه
اجرتیه برار بروجیه پیشین ۲۵
غروش استانبول ایچون اداره خانه
نه دن آلتیق اوزره ۲۰ غروشه در.

نسخه سی ۲۰ باره در

پنجشنبه کونلری نشر اولونور فنی و ادبی رساله

محرری : ابن رفعت ساح

ایدی؟، یولنده واقع اولان استفساره مقابل ذات عالم کتابله اشارت اولمق اوزره شو ایاتی سویلر:

لنا جلساء ما نمل حدیثم
الباء مأمونون غیباً ومشهداً

یفیدوننا من علمهم علم ماضی
ورایاً وتادیباً ومجداً وسؤدا

فان قلت اموات فلم تعد امرهم
وان قلت احیاء فلست مقنناً

بو حکایه جک بلکه بر اثر تصنیعدر . فقط نه اولورسه اولسون، معنی صحیحدر، خوشدر . اولینک کتب علمیه و ادبییه نه مرتبه نظر اعتباره آلدقلرینی کوستر .

(مابعدی وار)

نکی م



رواح الصباح

[مابعد]

بصره کورفزی شمعیکندن قرق قرق بش فرسخ ایجری صوقولمش بولمق ملحوظدر . بو شط دلتاسنک قوه انباتیه جه دنیانک برنجی یری دکلسه بیلک زیاده محصول ویرانلردن اولمسی ایچون اطرافده کی اراضینک تنظیمی، سدرا انشایی، مجاری میاهک اصلاحی، جداول لازمه نك حفر و کشادی کبی نیجه نافع عملیات او چالشقان قومک حصه سنه دوشمشدی .

اشته بو اراضیده کی فیض و برکتک وجوده کیردیکی، تجارتک مرز داد ایتمدیکی معموریت

عمر بن الخطاب رضی الله عنه عهدنده بصره یا بلدیفی زمان موجود ایدی حتی او زمان (ابله) ولایتی مسلمانلره قارشو یالکزباشنه درت بش بیک مسلح آدم جیقارمشدی .

آفتاب عدل و رأفت محمدی هانکی سویه پرتوفشان اولدیه رفع ظلمت جهل و بطائت، سیف صارم احمدی هر هانکی ملکی مسخر و رام ایلدیه محو ظلام جبر و خیانت ایتمدیکی جهتهلر کرک ابله و بصره، کرک سائر جهات بطایح بعد الفتح ده زیاده معمور اولدی . زراعت و تجارت بغایت ایرولیوب حتی بصره شهر جدیدی آرزمان ایچنده اینانه من درجه ده توسع و تعظم اتمش ایکن (ابله) نك اهمیت سابقه سی هیچ اکسله مشدی .

اوج یوز اللی تاریخی رجالدن مورخ شهر امام مسعودی ابله بازار تجارتنه اشیا کترین، یاخود اورادن آلوب تاهند و چینسه کوتورن سفاینک مدخل جدوله قضازده اولماسی ایچون ابله ابله عبادان آره سنده جراره نام محله دکز ایچنده بولنان اوج قله ده کیجه لری فنار یا قلده یفی (مروج الذهب) ده یازیور .

دجله و فراتله تفرعاتنک، بونلردن آچیلان جداول میاهک پک مکمل سقی واروا ایلدیکی شو یرلرک بلکه اراضی مصریه قدر محصولات ویردیکی، ثروت و سامانه خدمت ایتمدیکی تحقیقات تاریخیه ابله مستبان اولیور .

اراضینک قوه انباتیه سیله معموریتنک درجه سنه قیمتی قدر جدی برهان بولنه میه جفندن سختده شکه محل کوریه من بر روایتی ذکر ایدم :

شعرادن بکر بن الططاح الحنفی امام مسعودینک مروج الذهبده مرومندان زماندن، جوامع داندن

ذوات واردر، اساندهدن ابو مسلم شیخی شیان بن فروخ الابی کبی.

قزوینی دیرکه ابلهک خضارت و نصارت اشجاری، تغنیات و مجاوبات اطیاری، جریان و جوشش انهاری، طراوت و لطافت ازهار ی جداً خوش و فرخفزا در. اراضیسنک چوغی حرارت شمک شدت تأثیرندن آزاده در. اغاجلرله کولکه لکدر. اشجارک اوراقی آرمسندن اوتسی کورونمز، غایت ملاصقدر. جهت غریبی خراب، جانب شرقیسی معموردر. میوه لی اغاجلر، کوزل رایجلی، خوش منظر چیچکدر، بوستانلر، جویبارلر اورای حقیقه تزهنگاه اخاذینه سزا قبله شددر.

قزویننک شویسیایله هویدا اولورکه (ابه) بلده سی سکرزنجی عصر اوائلنده سابقی کبی معمور و آبادان دکلسه ده ابله نهرینک سقی و ارواسیله جنان دنیادن عد اولته جق قدر مثبت و محصولدار اولان اراضیسی بتون بتون محروم عمران دگلش، قسماً اولسون بوستان و نخلستانلر ایله صفابخش تماشا کران ایش.

ینه او عصر رجالتدن فقط بر ازدها متأخر اولان ابن بطوطه ایسه شویله دیور:

« ابله هند و فارس تجارتنک بازار دادوستادی بر بلده عظیمه ایدی. شمعی خراب اولمشدر، الآن برنده بر قریه موجوددر. بر طاقم قصور و ابیه آناری مشهوددر. بونلر شهرک بر زمانکی جسامت و عمرانه دلالت ایدر »

ابن بطوطه ادلس، افریقا، اناطولی، تانا ستاندن ناهنده قدر اکثر مالیکی کشت و کذار ایله مشهوداتی ضبط ایش برعققددر. قزویننک مسطوراتی او عصرک اوائلندن بری به تجااوز

اولهرق عنوان سماحتی یاد ایلدیکی ابودلف القاسم بن عیسی العجلینی بر قصیده ایله مدح و ثنا ایدرک آلدینی اون بیک درهم جائزه ایله (ابه) ده بر ضیعه یعنی محصلواتندن استفاده اولتور و بافلورسه محصول ویرر بر باغچه مبیاعه اتمشدی. فقط باغچهنک اقصااندهکی دیگر ضیعه یه آلق لازم کشدی. ابن الططاخ یارمسیز اولدیفندن ابو دلفه مراجعت ضروری اولمشدی. شو بیتلرله عرضحال ایتدی.

بك ابتعت فی ارض الابه ضیعه

علیها قصیر بالرخام مشید

الی جنبها اخت لها تتعرض

وعندك مال للهبات عتید

« سنک سایه لطف و احسانکده ارض ابله ده بر باغچه مبیاعه ایتدم ایچنده دیوارلری مرمرله مزین بر کوجک کاشانه دلشین دخی وار »

« لکن بوضیعهنک یانندهکی قومشو اكا تعرض ایدیور. حالبوکه سزک نزدک زده بالدفعات هبه و احسان ایدم جک نقود و اموال هر زمان حاضر و آماده در. »

ابودلف دریغ عنایت اتمه مش؛ بو باغچهنک ثمنی قاج غروش اولدیغنی شاعر دن صوروب اون بیک درهم اولدینی جوانی المسیله دو حال پاره نی احسان ایش. فقط شویله دیمشدر:

« شمعی بنی دیکله ای بکر! چینه قدر و الی مالانهایه هر باغچهنک یاننده بر دیگر ی بولونه بیلیر. صاقین! یارینده کلور او باغچهنک یاننده بر دیگر ی ده وار دیمه! چونکه بونک آرقه سی کمر. »

(ابه) شهرینه منسوب خولین علمادن خیلی

ایده مدیکی خالدہ ابن بطوطہ نک افاداتی واسطانی
متجاوزدر. اوآخرینک احوال ووقوعاتی سیلہ قسماً
موضح اولابایر بوجہتہ (اہلہ) نک سکنزنجی عصر
اواخرندہ ارتقی تمامیلہ خراب اولدینی اکلایشیلور.

..

{ غوطۂ شام }

لبنان جبالتندن طویلانان ایکی نہرکہ بری قدیمہ
(آبانہ) شمدی (بردی) دیگر (فر فر) بوکون
(الاعوج) نامرلہ معروفدر. قارلی تیرلرک ناظر
اولدینی بر دوزلکدن موازی اولہرق آقوب کیدر
ایکی کوچک کولہ دوشرلر.

بوایکی صوایلہ کرک انلرہ التحاق وکرک انلردن
تشعب ایدن چایلر وجدوللر اودوزلکک ہرطرفی
سقی و اروا ایلہ دائماً ریان بولندورر. منبت
ومحصولدار ایدر. یریر چنلک، چیچکلک،
میوہلک، سبزہ لککلرہ مزین قوجہ بر حدیقہ
دینہجک صورتہ اعمار ایدر.

اشتہ بوروضۂ دلکشا دمشق شام شہر شہریلہ
نواحیسنک بولندینی محل فرحفزادر. قورافلقدن
آزادہدر. حضارقی، نصارقی فوق العادہدر.
ید صنعتلہ دکل عنایت فیاض قدرتلہ عمران
بولان بویر بسیط وریان اولدیغندن (غوطہ)
نامیلہ یاد ایدلشدر. یعنی دمشق ونواحیسی
(غوطۂ شام) دیہ شہرت آلمشدر. زمانزدہ دخی
بر ناحیہ سی (غوطہ) اسمیلہ معروفدر. ہر دم
ترونازہ چنلرلہ آغاجلر پرزیبوزیتدر. ذوقبخشای
ارباب طبیعتدر.

ارض دمشق میادلرک ایکی بیک سنہدن زیادہ

مقدمندہ دخی معمور و آبادان ایدی. او شہر شہیر
بو حدیقہ ریان ایچندہ بر قصر دانشین کی نمایان
ایدی. تختکاک حکمداران اولوب عمالقہ قوم
جسیمنک بر شعبہ سی اورالردہ ساکن ایدی کہ بونلر
توراتدہ (خی) اسمیلہ مذکوردر.

غرب مورخلرندن بری دیرکک: تاریخک
وجودینہ آرجوق مطلع اولہ بیلدیکی ایلک حکمدار
لردن برینہ تختکاک اولان بو بلدہ قدیمہ قدرت
فاطرہ نک الی الابد قوجہ بر شہرہ منی اولاق مزینیلہ
ممتاز قلدی بی رده کاشندر.

یک طوغریدر. نینوا وبابل، صیدا وصور،
منف مارب وتدمر کی وسعت وجسامت وقوت
ثروتیجہ بروقتلر دمشقلہ مسابقت ایدن بونجہ قدیم
بلدہلر بوکون خاک ایلہ یکسان اولدینی خالدہ ینہ
او دارالسلام شام ایکی یوز بیک قدر نفوس ایلہ
بتون اسیا بلادینہ رجحان نمادر.

[مابعدی وار]

وصاف

حکایہ

ایام محن

منیر بنم رفقای شبایمدن دکلدر. کندیدینی
طانیہ لی ہنوز بر قاچ ییل اولبور. تعارف ازلی بہ
امنیتیم برکالدر. بونک ایچون منیر ایلہ الفتی ازلیت
قدر قدیم بولیورم. ینمزہ حاصل اولان مخاندت،
فوق العادہ برسرعتلہ ترقی ایتمشدر. فاتحہ استلاقی
تعقیب ایدن کتابہ مودی ایکی کوندہ اکال ایتدک..